



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

I. An publicatio Bullæ in cœna Domini tolerantiam interrupat, & privilegia revocet. In iis quæ jure regio agunt, non perstringuntur Reges; in ceteris, est tantùm comminatio & protestatio. Deinde ...

**urn:nbn:de:hbz:466:1-15591**

C A P V T X.

Synopsis.

I. An publicatio Bullæ in cœna Domini toleraniam interrupat, & privilegia revocet. In iis quæ jure regio agunt, non perspringuntur Reges; in ceteris, est tantum comminatio & protestatio. Deinde Bullæ illæ non est recepta in Gallia. Reges Gallie, ex privilegio, non comprehenduntur excommunicatione generali.

II. Antiqua consuetudo privilegiū vim fortit. Privilegium autem ob merita concessum, revocari non potest. Vnde consuetudines privilegioriae regni Francorum non consentur revocata per Bullam, ex Navarro.

III. Eximia quedam jura sunt penes Reges nostros in rebus ecclesiasticis, quæ alij Reges non obtinent. Quia eos vincunt beneficiis in Romanam Ecclesiam. Beneficia Ecclesia Romane collata, non in latitudinis, sed in provinciis, & supremo imperio.

IV. Harum donationum origo discutitur. Exarcho in Italia, & sub iis Duce post irruptionem Longobardorum. Hi Ravenna infesti, eā capta, & Eusebio Exarcho ē finibus Italia pulso. Aistulphus Romanus obdidit. Pippinus obdictionem solvit, & Exarchatum ab Aistulpho repepit.

V. Hunc dono dedit Ecclesia Romana, nec detulit frequentibus Gracorum Imp. petitionibus; ea præcipue ratione, quod aliter Romana Ecclesia tuta esse non posset, sub dominatu hereticorum. Quid comprehendetur illa donatione. Desiderio viito, Carolus M. munificentiam patris auxit, additis aliquot provinciis.

VI. Ludovicus Pius & Carolus Calvus suis beneficiis cumularunt avorum patrumque dona.

I. N O n dissimulanda hoc loco mihi videtur gravissima difficultas, quæ sapientissime à quamplurimi rerum nostrarum minus æquis æltimatoribus moveri solet; ab hac tolerantia consuetudinum nostrarum recedere Pontifices, idque publicè quotannis testari solenni promulgatione Bullæ illius famosæ, quæ fit die cœna Domini, unde illi nomen. Anathematum enim addicuntur quicunque rerum ecclesiasticorum jurisdictionem ad se trahunt, etiam prætextu gratiarum illis concessarum. Sed viri gravissimi caussam nostram egerunt, ita ut longa oratione non sit opus. Id unum tantum præfabor, antequam illorum verba referam, Reges nostros vel ex mero jure regio quamplurima ad suam suorūmque magistratum cognitionem traxisse, vel ex longissima consuetudine, & Romanæ sedis tolerantia, id juris sibi quæsivisse. Primo casu, cùm jure suo utantur, à Bullæ iētibus terti sunt. Secundo vero casu, etsi daremus formula illa generali comprehendendi Reges nostros, cùm scripto damnati, facto ipso & continuato tolerantia effectu absoluti sint,

rectè sequitur ad summum, minas tantum excommunicationis injectas, & potius contestationem publicè adhibitam, ad repetenda quandoque jura sua, à quibus fortasse præscriptione cadere posset Ecclesia Romana, quā ut Reges nostri anathemate feriantur. Prætermitto regulam illam generalem, (de qua disserimus libro II. cap. xvi.) legibus ecclesiasticis provincias non obstringi, in quibus promulgatae & usu receptæ non fuerint; ut accidit huic Bullæ, cui exceptio illa apud Gallos objici solet. Quamvis enim ea sola respondendi ratio sufficeret, alio tamen modo à minis illis sunt terti Reges nostri; quibus Romani Pontifices indulserunt, ut nullis censuris teneantur à sede apostolica inflictis, quacunque verborum formula conceptæ sint, nisi disertis verbis cautum sit, Reges Francorum iis quoque comprehendi. Qua de re copiosè alibi.

II. Præter eas rationes, aliud quoque & egregium supereft nobis remedium, quo omnem hujus Bullæ metum à capite regio, & eorum qui vice sacra judicant, arceamus. Nempe consuetudinis antiquissimæ usum vim privilegiū fortiri superius probavimus, etsi nullæ proferri possent privilegiorum tabulae. Porro etsi disceptetur inter Iurisconsultos an privilegium semel à Principe indultum refindi possit sine causa; nullus tamen dubitat quin privilegia quæ propter merita conceduntur, in contractus naturali transfeant, ideoque revocari nullo modo possint. Tot autem tantumque sunt in Romanam sedem Regum nostrorum merita, ut privilegia consuetudine firmata, per Bullam in cœna Domini Regibus nostris non adimi profiteantur Bellarminus & Suares, quos laudavi capite superiori. Quibus addo Navarrum, ut in ore trium hoc verbum stare posit: *Hac declaratio, inquit, tollit privilegia data etiam Regibus. Per quod dubitari posset de iudicibus Galliarum, qui judicant Clericos pro portu sive delatione armorum, & aliis casibus, quos vocant privilegiatos. Evidem arbitror difficile ab iis abstenturos; sive quod presupponant privilegia illa esse remuneratoria obsequiorum à se magnis impensis sanguinis & fortunarum prestitorum; sive quod sint immemorialia, & super criminibus levibus concessa, sive alia. Que an audiri debeant, iudicio sanctissimi D. N. relinquo. Periclitari non potest Regum nostrorum causa, quam Navarus Summorum Pontificum iudicio relinquit; cùm prejudicio suo Clemens V. ostenderit quid successores sui amplecti deberent, quando de Francia Regum negotiis agitur. Nempe priores esse debent erga res*

Peregrinus de Jure  
fisci lib. 1. tit. 3.

Vide secundam  
præfationem Mar-  
ce f. 8.

Navarus c. 17.  
Enchiridij n. 79.